

მეცემსი

1883-1886

—* «მეცემსი» დამატებით გამოდის თვეში ხუთჯერ. ყოველი თვის ათს. ოცს ღ ოც და ათ რიცხვებში *—

ქველი დრო დაგვიღება და რა ზოგები უნდა
ვიხმაროთ ხალხში ზნეობის ასაძალგებლად.

სტატია მეოთხე.

სადმართო სჯულის ზოგიერთ მასწავლებელთ
საკმაოდ მიაჩნიათ, თუ ცოტადენი ცოდნა გადას-
ცეს მოწაფეთ მართლ-მადიდებელ სარწმუნოებაზე და
რამდენიმე ტექსტი დაასწავლეს მოწაფეებს ზვირად.
თუ ეს ცოტა მაინც რიგიანად შეასრულეს, ფიქ-
რობენ, რომ მათ გააკეთეს ყოველივე ის, რაც კი
მოითხოვებოდა მათგან. მაგრამ თუ რა ზედგავლენა
ჰქონდათ მათ ზნეობითად, მოწაფეებზე აღზარდეს
თუ არა მათ მოწაფეებში კეთილის და სიშართ-
ლის გრძობა, გრძობა კაცის პიროვნების ჯატივის
ცემისა და სხვა, ამას არავინ ფიქრობს და ეს კი
დღეს შეადგენს უდიდეს ნაკულუღევანებას სადმართო
სჯულის სწავლების საქმეში. ეს არის მიზეზი, რომ
მოწაფე რომელიც სწავლობდა სასწავლებელში და
რომელიც გამოვიდა გაუნათლებელი და ზნეობითად
დაცემული ხალხისაგან, სწავლის შესრულების შემდეგ
ისეთივე ბრუნდება შინ, როგორიც იყო სკოლაში
შესვლის დროს. ხშირი მოვლენა არის ისიც, რომ
მოწაფე სასწავლებელში შესვლის დროს კი ზნის
და ჭეშმარიტი მორწმუნე იყო, მაგრამ სასწავლე-
ბელში მასზე ისე იმოქმედეს მისმა ცუდმა ამხანა-
გებმა, რომ მან დაჰკარგა ისიც, რაც კარგი მიიტანა
სასწავლებელში. შეიძლება ამისთანა პირმა ცოტა-
ოდენი სწავლა შეიძინოს, მაგრამ ხშირად ამ გვარი
სწავლა უფრო სამწუხარო არის, ვინემ სასიხარულო.

თუ კაცი უზნეო და ურწმუნო არის, იმაშინ უსწავ-
ლა მიტვის ი დენად გამოსადგეია, რამდენათაც
ხმალი ჭკუა მცმლილისთვის.
როგორი სარწმუნოების და ზნეობის მასწავ-
ლებელია ის, რომელიც მოწაფეები მთელს წელი-
წადში ორჯელ ვერ ხედვენ ეკკლესიაში და რომლის
ცოცრებაში და სიტყვაში გერაფერ ზნეობას ვერ
ხედვენ—მოწაფეები? რა ზნეობით-სარწმუნოებრივი
ზედ გავლენა უნდა იქონიოს სადმართო სჯულის იმ
მასწავლებელმა, რომელიც ლაპარაკობს სარწმუნოე-
ბაზე და ზნეობაზე, მაგრამ ლაპარაკობს ცივად და
უგულოთ. შინდ წიგნში წაუკითხავსთ მოწაფეებს
პისგან ნასწავლები ღ კინდ ამისთანა მასწავლებლებსა-
თვის მოუსმენიათ, სულ ერთია. სადმართო სჯულის ამ
გვარ მასწავლებელს არას დროს არ შეუძლია განადოს
სარწმუნოება კაცის აღზრდის საშუალებად. მანა
ბევრია ჩვენში სადმართო სჯულის მასწავლებლები,
რომ ეს ნაკლი არა ჰქონდესთ? ძალიან ცოტანი
არიან. რისთვის? იმისთვის, რომ, სამწუხაროდ, ჩვენში
დღეს ძალიან ძვირია ღრმად მორწმუნე და მაღალ-
ზნეობით აღჭურვილნი პირნი. და რაც შეეხება
სხვა საგნების მასწავლებელთ და აღმზრდელთ, რო-
მელიც სარწმუნოების და ზნეობის ცხოველ მა-
გალითებს უნდა აჩვენებდნენ თავიანთ მოწაფეებს,
მათზე ლაპარაკიც არ შეიძლება. რა სასაცინოა და
მავნებელი, როცა მოწაფეებს უბრძანებენ, რომ ერთ-
გულად იარონ ეკკლესიაში, იმარხულონ და ეზი-
არონ და თვითონ კი არ ასრულებენ ყოველივე ამას.
შეიძლება ზოგიერთებს ჩვენი სიტყვები არც კი მოე-
წონოსთ, მაგრამ რა ექნათ. ჩვენ იმას ვამბობთ,
რასაც ყველა ჩვენ თვალით ვხედავთ.
ქეთილ მორწმუნე და მაღალ ზნეობის კაცს
პირველ შეხედვისა თანავე იცნობენ ბავშებიც კი.

ამ გვარი პირების მალალი თვისებანი იხატებიან ყოველ მათ მოქმედებაში და ამიტომ ამ თვისებათა წყალობით ეს კაცები ყველაში აღძვრენ ხოლმე მათდამი პატივის-ცემას. ამ გვარი თვისების შექონე კაცი არაფერს არ იტყვის მოუფიქრებლად და ან ფაჩისეველობით და ეს არის მიზეზი, რომ ყოველივე მათ სიტყვას აქვს მნიშვნელობა და ძალა. რასაკვირველია, რომ საღმთო სჯულის ამისთანა მასწავლებელს დიდი ზედ გავლენა ექნება მოწაფეებზე და ისინიც ერწმუნებიან და მიბაძვენ მას. მაართლაც ამფერ კაცს შეუძლია აღამაღლოს მოწაფეებში ზნეობა და სარწმუნოება, რომლებითაც თვითონ ის არის აღვსილი.

საღმრთო სჯულის რიგიანად სწავლებას ძალიან უშლის ხელს, სხვათა შორის, ის გარემოებაც, რომ ამ საგნის სწავლება ჩვენი სასწავლებლების უმცროს კლასებში სწარმოებს მართველებისათვის გაუგებარს ენაზე. ძაცის სარწმუნოება, მისი სულის მდგომარეობა, რასაკვირველია, უფრო თავისუფლად გამოიხატება იმ ენით, რომელიც მას დედის რძესთან ერთად აქვს შეწოვილი. ამიტომ სარწმუნოების გაშლისაზრდად უნდა იყოს ის ენა, რომელიც უფრო გასაგებია ხალხისათვის. როდესაც სწავლება სწარმოებს ბავშვისათვის გაუგებარს ენაზე, ეს ძალიან ენებას აძლევს ყოველი საგნის რიგიანად შესწავლას, მაგრამ ეს ნება და ზარალი უფრო შესამჩნევია საღმრთო სჯულის სწავლებაში, სადაც საჭიროა, რომ კაცმა თავის სარწმუნოებრივ-ზნეობითი აზრი, გრძობა და სულის მდგომარეობა გაგებით გამოხატოს. მანა ჩვენი ბავშვები, საუბედუროდ, ამ ფერი მდგომარეობისაგან თავისუფალნი არიან? ამ კითხვის განმარტება მიგვიჩვენებს იმ მართველ მშობელთათვის, რომელთაც ყოველ წლებით შექცავთ თავიანთი შეილები გიმნაზიის და სხვა სასწავლებლების ძირა კლასებში და სადაც ამ პატარა ბავშვებისაგან, რომელთაც რუსული ენის არაფერი გაეგებათ, ითხოვენ ზოგიერთი ლოცვების სლავიანურად ცოდნას. მინც კი დასწრების ამ ეკზამენებზე, ყველა მნიშვნელოვნად, რომ ბავშვები, მართალია, კითხულობენ ზეპირად, მაგრამ მათ ერთი სიტყვაც არ გაეგებათ ამ ლოცვებისა და ზოგიერთები ამას ეძახიან საღმრთო სჯულის ეკზამენს! ჩვენ არ ვამტკიცებთ, რომ ეს ბავშვები თავის დღეში ვერ გაიგებენ ამ ლოცვების ნამდვილ აზრს და მნიშვნელობას; იქნება დრო, როცა ეს ბავშვები გაიგებენ იმ ლოცვების აზრს და მნიშვნელობას, რომელნიც, ლოცვები, მათ დაასწავ-

ლეს თავდა-პირველად, მაგრამ ეს ძალიან გვიან ექნება. მასწავილობაშივე, როცა ბავშვის გულში და სულში ყოველივე შთაბეჭდილება სიკვდილამდე რჩება, უნდა ვმეცადინობდეთ, რომ ბავშვების გულში და სულში ლებეკდოთ სარწმუნოებრივ-ზნეობითი შთაბეჭდილებანი, თუმცა გესურს, რომ შემდეგ ამ შთაბეჭდილებათ სასურველი ნაყოფი მოიტანონ. თორემ გაუგებრად ლოცვების დასწავლა არაფერ კაი შთაბეჭდილებას არ ახდენს ბავშვში. შემდეგში შეიძლება მათ გაიგონ იმ ლოცვების აზრი, მაგრამ ეს ლოცვები იმ შთაბეჭდილებას ვერ მოახდენენ ბავშვებზე, რასაც მოახდენდენ ისინი თავდაპირველად, რომ მაშინ ეს ლოცვები გასაგები ენით ესწავლებიანთ ყმაწვილებისათვის. ამიტომ ძალიან სასარგებლო იქნებოდა, რომ საღმრთო სჯულის სწავლება ჩვენს სასწავლებლების ძირა კლასებში მაინც სწარმოებდეს მართულს ენაზე იქომამდე, სანამ ჩვენი ბავშვები საკმაოდ შეისწავლიდნენ რუსულს ენას. ძაცი უნდა ლოცვილობდეს იმ ენაზე, რომელზედაც მას ადვილად შეუძლია თავის აზრის გამოხატვა, თორემ ძალიანობა კაცს ყოველისფერზე გულს უცრუებს. ამ ანორმალურს მდგომარეობას დღეს ყველანი გრძობენ და იმედი უნდა ვიქონიოთ, რომ ასეთ არა სანატრელ მდგომარეობას მალე მოეღება ბოლო. ჩვენ, მართველებისათვის საჭირო და სასარგებლოა რუსული ენის შესწავლა, მაგრამ ამ შესწავლამ არ უნდა აიწოს ბავშვში სარწმუნოებრივ-ზნეობითი გრძობების აღლორძინებას.

მარდა ამისა ძალიან ცუდი ზედ-გავლენა აქვს სხვა-და-სხვა სასწავლებლების მოწაფეებზე იმ გარემოებასაც, რომ ამ სასწავლებლების ყველა მოწაფეებს ერთგვარად არა სთხოვენ სარწმუნოების ზოგიერთ მოთხოვნილებათა შესრულებას ცხოვრებაში. მაკალითებრ სასულიერო სასწავლებლებში მოწაფეებს უფრო სასტიკად სთხოვენ, რომ მათ მუდამ იარონ ეკკლესიაში ღვთის მსახურების მოსასმენად, დაიცვან მარხვა, მიიღონ წმინდა ზიარება, იუქმონ ეკკლესიური დღესასწაულები და სხვა, ვინემ სხვა საერო სასწავლებლების მოწაფეთ.

მართალია, რომ ყოველს სასწავლებელს აქვს თავის მიზანი და ამ მიზნის მიხედვისა მებრ ზოგიერთ საგნებს უფრო ვრცლად გადიან ზოგ სას-



წაელებლებში და ზოგს უფრო ნაკლებად, მაგრამ ამ გვარივე გაცალკეება არ შეიძლება სარწმუნოების შესახებ, რომელიც ყველა სასწავლებლების ოწაფეთაგან ერთგვარად უნდა იქნეს აღზრული. ასეთი გაცალკეება არის მიზეზი, რომ სხვადასხვა სასწავლებლების მოწაფენი თავისებურად სჯიან სარწმუნოების ზოგიერთ მოთხოვნილებებზე.

სოტ. სოტა ახალაურაძე. *)

«მწყემსის» ზოგიერთს ნომრებში იყო ხოლმე გოდება იმაზედ, რომ ბევრი მართველთა ტომნი გადუდგნენ მრისტეს სარწმუნოებასა და ამ ნაირად დაეკარგეთ ძმებიო. მაგალითად იყენენ მოყვანილნი ის მართველთა ტომნი, რომელნიცა შაჰ-აბაზს წაუყვანია ტყვედ და დაუსახლებია სპარსეთში და ის ზემო მართლელი (სამცხე-საათაბეგო) ხალხი, რომელიცა მოგვწყვიტა მსმალეთმა.

ჩვენ ჩრდილოთ წამოსულნი მართველები ვკითხავთ ჩვენს თავსა, ვინ არის დამნაშავე და გასამტყუნარი ამაში, გარემოებას გარდა?

ამის პასუხათა, ჩვენ ასე გვგონია, რომ ცხვარი დაიფანტება უპატრონობითა. მწყემსი თავის სამწყსოს უნდა მიადევდეს კვალ-და-კვალ, სადაც გარემოებას მიჰყავს. იქნება ამ შედარებაში ვიყენეთ შემცდარნი, მაგრამ არ შეიძლება არა ესთქვათ ისიცა, რომ მოძღვართა დაუდევნელობით ძალიან მრავალი დაგვიკარგამს როგორც მართველი, ისე სხვა ტომთაგანი მრისტიანებიც მთელს ქვეყანაში.

მკითხველი ბრძანებს: ძალ-დატანებით გააუსჯულოეს მრისტიანებიო. რასაკვირველია, ამ პასუხსაც ბევრი სიმართლე მიუძღვის წინ, მაგრამ რამდენ

*) ვგეჭქდავთ ამ სტატიას შეუცვლელად. შემდეგისათვის ჩვენ გამოვსთქვამთ ჩვენს აზრს ავტორის ზოგიერთ მოსაზრების შესახებ, რომელშიაც არ ვეთანხმებით მას.

ნი სომეხნი სცხოვრებს სპარსეთში, მსმალეთში და მსმალეთში, მაგრამ მაინც დაუცავთ მათ თავიანთი სარწმუნოება და ენა. რასა ნიშნამს ესა?

პრა გვგონია, სადმე ერთად დასახლებულნი ყოფილიყვნენ რამდენიმე ათასი კომლი კაცი სომეხს, რომ ძალაზედ დადგომოდნენ სპარსეთის სამეფოსა და ძალადობით დაეცვათ მათ სჯული და ენა. ბევრს ალაგსა ეხედავთ ცალკე, მოზორებით მცხოვრებს სომხის სოფელსა სპარსეთში, გინდ მსმალეთში და არ არიან სჯულ გამოცვლილნი მაშინ, როდესაც პირველი მრისტიანები ზემო-მართლისა, რომელნიც თითქმის მთელ საქართველოს მესამედს შეადგენდნენ, გამაჰმადიანდნენ. რამდენსამე ათას კომლზედ, სპარსეთში მცხოვრებლებზედ, რალა გვეთქმის.

ამასთანავე ვფიქრობთ, რომ ადვილად სარწმუნოების გამოცვლის მიზეზი უსწავლელობიდგან და რეგენოზიდგანაც წარმოადგება. აღამიანსათუ თავისი სარწმუნოების სწავლა არა აქვს კარგად გულში გამჯდარი და მრისტეს სწავლა იცის ზერელ-მვერელათა, ისა, რასაკვირველია, ძალიან ადვილად შეიცვლის აზრსა. რა სარწმუნოება ექმნება უმეცარს აღამიანსა, რომელმაცა წიგნი და წერა არ იცის.

მაშასადამე სამწყსო სწავლით იქამდისი უნდა დაემკვიდროს სარწმუნოებაზედა, რომ ვერავინ შეაცდინოს.

არ ვიცით, როდის და რისთვის ჩვენი წინაპარნი, ნამდვილი მართველები, გადმოსულან ქვეყანის ჩრდილოთ მხარესა და დასახლებულან სულაკის წყალზედა.—მს აღბათ მომხდარა იმ დროსა, როდესაც ლაღესტანი, ჩაჩანი, მსეთი და საჩერქეზო ყოფილა საქართველოს სამეფოს ნაწილი და აქ ყოფილა გავრცელებული მრისტეს სარწმუნოება. ამჟამად, როდესაც არტემა არარატელის ამბავი წავიკითხეთ უკანასკნელ მიძინებულ «ივერიის» ჟურნალის ნომრებშია, მოვედით იმ აზრზედა, რომ საქართველოს ყიზლარისა და ასტრახნისაკენ სავალი გზა, უწინდელს დროში, ჰქონია ზედ ლაღესტანზედა ბელოქნიდგან პირ-და-პირ თურმე გადმოდიოდნენ



ანდრეას სოფელშია და აქედან შიზლარში. შეკრავთ, ამ გზით წამოაუღნი, ან როგორც გარდმოცემით ვიცით, ბატონებისაგან შეწუხებული გლცხნი. გადმოსულან და დამდგარან სულაკზედა. რამდენი ხანი უცხოვრნიათ იქა, — აღარაფინ იცის; მხოლოდ ამას კი ამბობენ ჩვენი ბერიკაცები, რომ სულაკიდან გადმოსახლებულან შიზლარში ამ 200 წლის წინად, ე. ი. იმ დროსა, როდესაც იმპერატორი პეტრე პირველი შობრძანებულა ამ მხარეშია. — თურმე შიზლარის საქმეებიდან ჩანს, რომ პეტრე პირველს გაუცია ბრძანება, რომ შიზლარში საუკეთესო ადგილები მისცემოდათ სულაკზედ მცხოვრებ მართველებსა.

რასაკვირველია, სულაკიდან დამალ შიზლარში არ მოინდომებდნენ მართველები გადასახლებასა, თუ რომ მაჰმადის სარწმუნოების განწერვებას და ღესტანსა და საჩანოში არ დაეტანებინა იმათთვის ძალა.

როგორც ეტყობათ სხვა გზებიცა ჰქონიათ მაშინ სავალად აქეთვეა. ზუღამაყარისა და დარიალისა; მამისონისა და შალაჯირისა და ბაყსანის ხეობაზედ სვანეთიდან.

ასე იყო, თუ ისე, ეს სულ ერთია, მხოლოდ ამ ჟამად ვხედავთ, რომ მართველები სცხოვრობენ შიზლარში, მოზდოკში და შიზლარის მაზრაში ოროგანა, სარაპანში (შელკოზავოდაკაია). და სასოფლოში (აღექსანდრო ნეესკაია), სარაპნელი და სასოფლოელი მართველები კარგა ხანი არის ყაზახად შესულან და ეხლაც ყაზახები არიან.

როგორც მოზდოკში, აგრეთვე შიზლარში და სარაპანში მართველები სცხოვრებენ ერთად, ცალკე უბნათა. სასოფლოში კი თითქმის მარტო მართველები არიან. — ამათ მოსდევსთ თავიანთი ჩვეულება, ჩვეულებრივი პურადობა, ვენახების გაშენება, და ამასთან სიღარიბეც თან გამოჰყოლიათ.

შიზლარელი მართველები როგორღაც სახეზედ შეცვლილან, იქმნება აქაური ჭაობიანი ადგილებისაგან იყვეს; ამათში ნახამთ თვალეზ ამოღრეცილებსა, თვალეზ ამოწუწულეზსა და ხშირად ელაშა. — სხვაგან კი ისევ ის ლამაზი ხალხია, რაც გინახამთ მართლ-ქანეთში და იმერეთში. — ლაპარაკობენ მართულად ყველგან ქალები წმიდათ, რადგანაც სხვა ენა არა იციან. რა და კაცები კი ურევენ ნოღურსა და რუსულსა. რადგანაც სამსახურში არიან, რასაკვირველია, რუსული ენა უნდა იცოდნენ, მაგრამ ვერა

ლაპარაკობენ ამასაც წმიდათ, ზოგიერთს გარდა. მომეტებულად

ქალები ჩიხტი-კოპსა და ლეზაქსა არ იშორებენ. ასე გაშინჯეთ სომხის ქალებიც კი შეაჩვიეს მართული თავის დახურვასა. როგორც საქართველოში, ისე აქა დედა-კაცები მინდორში სამუშაოდ არ დადიან, მაშინ, როდესაც ამათი მეზობელი რუსის ცოლებსა წელები აქვსთ მოწვევითი მუშაობითა. — შაჟათ-კვირას, რომ ვენახებისაკენ გაისეირნონ, ისიც ბევრია. მუდამ ფუსფუსებენ თავიანთ სახლებში. — ამ ჩვენი ქალების შემწეობითა ჯერ-ჯერობით მართული ენა ვიცით და ავად თუ კარგად ელაპარაკობთ ჩვენი სამშობლოს სიტყვითა. ბევრნი შეილებს გზავნიან საქართველოში თავიანთ ნათესავეებთანა და ამითი იბრუნებენ ენასა. წერა-კითხვის მცოდნე ძალიან იშვიათია. — ამის მიხეზითა ბევრსა გვარებიც აქვსთ დაკარგული, ასე რომ გვარებით ბევრს ვეღარ იცნობთ მართველათა. შევლგან მართველებსა ცალკე სია აქვსთ შედგენილი და გარეშე კაცი ამითი შეიტყობს რომა, ისინი არიან ქართველები. ამ ნაირად შეხედებით ამ გვარებსა:

- მოზდოკში: არაკიევი, აბდულოვი (ძალმიკოვი) ასლანუყოვი (იგივე ივანოვი); ალავერდოვი (იგივე ივანოვი); ამიროვი, აზნივი, აკშინელოვი (იგივე პაველოვი) ასლანოვი, ათაბეგოვი, აქამოვი (იაგურცოვი) ბერიძე, ბორისოვი, ბიბილოვი, ბაიანდუროვი, ბახუტოვი, ბამუკოვი, ბოლოდოვი, მარძელოვი, ბოროვი, ბრიგორიევი, ლოუბნელოვი, ზოგისანოვი, ბეველიანიოვი, მარძიძე, ჯემარძიძე, ლავილოვი, მკოროვი, ზუზუნოვი, ზაიცოვი, ზედგანიძე, ივანოვი; პარგოვი, პონჩუნძიძე, პარაბლიოვი, პარუგოლოვი, შორლანოვი, ძაიჩაევი, ძაკალოვი, ლიაპინი (იგივე შკაპოვი), მამუკოვი, მერცხალოვი, (ბარასოვი) მარცველაძე, მუხრანსკი, მურადოვი, მახოჯევი, მანსურაძე, მარგანოვი, მიხაილოვი, მარკოზოვი, მახორბელოვი, მამალოვი, ნასყიდოვი, ნიკოლაევი, მსმანოვი, შიფიკლაუროვი (შიციხელაუროვი), პაპაგინოვი, პაპუნოვი, პეტროვი, პარტვალოვი, სინაურიძე, საყვარელიძე, სამალარნიძე, საპოქნიკოვი, ტუკოვი, მამაზოვი, შილიპოვი, მხელიძე, საფელოვი, სიციკოვი, ჩოროვი, შიშეევი, შედგინოვი, ჩერქესოვი და ძილიაევი. სულ 131 კომლი კაცია.

სარაპანში: ბუბერნატოროვი, ბორისოვი, მამულოვი, ძიტრანი, პეტროვი, ათაროვი, რამაზინი, მამაზინი, შალიკოვი, შაჟრანოვი და სხვ.



სასოფლოში: ზარიძე, შაშნივე, მახვილაძე, ლოლაძე, ქოვალივე, ხვადაგიძე, ბიბილოვოვი, აღმაზოვი, ანანივე, ალაღანოვი, ამბარცუშოვი, ბორისოვი, ბერიძე, ბეჟანოვი, ბიბოძე, ბალობელიძე, ბეჟუტოვი, ბულოვი, ბუბერნატოვი, ტიკნაძე, ქვადაძე, ლაღაძე და სხვ. ეს რაც აქ გვარები ჩამოვთვალეთ, არიან ნამდვილი ქართველთა ტომნი, თუმცა გვარები აქვსთ ჟამთა გარემოებისაგან გაგამოცვლილი.

აქ მოხსენებული ხალხი ყაზახებად, შესულნი, პატრონად ცხოვრობენ; ბევრს მათგანს, მეტადრე რომელნიც კი მხნეები არიან, კარგი შეძლება აქვსთ. — შიზლარსა და მოზდოკში მყოფნი უფრო ღარიბად არიან. მოზდოკში მხოლოდ ორიოდ გვარს აქვს დიდი ვაჭრობა და დიდი შეძლება.

მაგრამ ამათ საქებრად უნდა მოგახსენოთ, რომ ძალიან გულ-მართალი და ალალი ხალხი არის.

როგორც მოგახსენეთ, ცხოვრებით არა უჭირთ რა, მაგრამ სულიერს საზრდოს არიან ძალიან მოკლებულნი. ძაცები კიდევ ჰო, და ქალები კი ძალიან გაჭირვებულნი არიან. ამათ სრულებით არა იციან რა.

არ არის ეჭვი, რომ ამისთანა დაუდევნელობა იქმნებოდა იმისი მიზეზი, რომ უწინდელს დროში ქართველები აქა ზოგნი გასომხებულან და ზოგნი გაფრანგებულან, მეტადრე იმ დროებში, როდესაც ეკატერინე პირველის დროს, მოზდოკში ყოფილან დაბუდებული იეზუიტები.

ამ ნაირათ ვხედავთ, რომ პირველი ზემო-ქართლის თავადიშვილები, გვარად ჩხეიძენი, გადმოსახლებულნი მოზდოკში, დღესაც შრანგები არიან და პირველი ნულში (ზორის მახრაშია, მგონია, ეს სოფელი) მცხოვრებელნი ლომიძეები შიზლარში გასომხებულან. როგორ გადურჩნენ იეზუიტებსა სხვა ქართველები უმოძღვროდ და უპატრონოდ, ეს გასაოცარი არის! მოდი და ამისთანა მამა-პაპის სარწმუნოებიდგან გადადგომა ეშმაკს დავაბრალოთ.

(გაგრძელება იქმნება.)



ახალი ამბები და შენიშვნები.

ჩვენ ნამდვილად შევიტყვეთ, რომ ამ მარტისთვის 21 მიწვეულ იქმნებიან თბილისში ყოვლადსამღვდელო ეპისკოპოსნი: იმერეთისა—ზაბრიელი, მეგრელიისა—ბესარიონი და ბურთისა—ალექსანდრე, რათა მათ მიიღონ მონაწილეობა არქიმანდრიტის ბრიკარის ბურა-სამეგრელოს ეპისკოპოსათ კურთხევაში. სახელ-წოდება იქმნება 21 ერთს და კურთხევა დღით ხარბას, 25 მარტს.

ჩვენ გვეკითხებიან ზოგიერთი ბლალოჩინები: „ძმობის წიგნაკების ფასი ვის გაუფზაენოთო?“ ამისთანა პირების საყურადღებოდ ვაცხადებთ, რომ ამ წიგნაკების ფული უნდა გაეგზაენოს „ძმობის“ რჩევის თავს-მჯდომარეს, სემინარიის რექტორს, დეკანოზ მ. პავლე ჩუდეცკის, თანახმად ყოვლადსამღვდელო ზაბრიელის ცირკულიარისა, რომელიც დაბეჭდილი იყო ჩვენი გაზეთის „მუშაჰის“ № 3-ის ოფიციალურ ნაწილში.

ამ დღეებში სოფელს აქარაში (ზორაპნის მახრაშია) გაზრდიცვალა ფილტვების ავთ-მყოფობისაგან ერთი ახალ-გაზდა მოსწავლე თბილისის სასულიერო სემინარიისა, გვარად ნიორაძე. ეს ყმაწვილი იყო შეძლებული გლეხის შვილი. შმაწვილ მეტის-მეტო მუყათით და ბეჯითი იყო სწავლაზე. მუთაისის სასულიერო სასწავლებელში კურსის გათავების შემდეგ, ეს ყმაწვილი თფილისის სასულიერო სემინარიაში შევიდა. მართი წელიწადი დარჩა ის იქ. თბილისში მყოფობის დროს გაცივდა მძიმეთ და ფილტვების სნეულება გაუჩნდა მასს. პირველად ყმაწვილმა თავი არ დაუდგა ავთ-მყოფობას და ბოლოს აქიმობამაც აღარაფერი უშველა. ასე უდროვოთ მოშორდა საწყალი ამ ქვეყანას და თავიანთ ამხანაგებს. საწყალი მოხუცებული მამა და დედა, რომელნიც უკანასკნელ დროს ნუგეშს მოელოდნენ შეილისაგან, ასე უნუგეშოთ დარჩნენ.

მუთაისის ზოგიერთ მართლ-მადიდებელ ეკკლესიებში კარგად მიდის წმინტის მსახურების გარეშე საუბრების საქმე. ხალხი ბლომათ დაიარება ეკკლესიებში და გულმოდგინეთ უსმენს მოსაუბრეთ. საუბრების შემდეგ ხალხს ურიგებენ პატარა წიგნაკებს. შოველ მლოცველს უნდა, რომ ეს პატარა წიგნაკები მიიღოს, მაგრამ ხშირად ყველას არ ხვდება წიგნაკები.

თბილისიდან გვწერენ: «7 მარტს, საღამოს ჩვენ ენახეთ ბატ. დ. ბაქრაძისაგან შედგენილი მართული ძველი ხელ-ჩართული. ხელ-ჩართული კარგა ფრცვლია და მალე დაიბეჭდება კიდევ პეტერბურგის სამეცნიერო აკადემიის პროტოკოლში. ხელ-ჩართულს მიჰყვება ძველი სხვა-და-სხვა ანბანები. იმომზადებულია ბევრი ანბანი ანბანები ნიმიუშებათ და ყოველ ანბანს თავის განსაკუთრებითი ხასიათი და თვისება აქვს მიღებული. ანბანს ეარდა მიჰყვება კაი ერცეული წერილი, რომელიც ხელ-ჩართულის შესწავლის სახელმძღვანელოსაებრ არის დაწერილი, რომელსაც წერილის წაკითხვის შემდეგ მკითხველს უფრო გაუადვილდეს ხელ-ჩართულის შესწავლა.

სიღნაღის მაზრაში, წმიდა ნინოს მონასტერში საბინინმა რომ ზარი წაიღო, ეს ზარი ისეთი დიდი ყოფილა, რომ მისი ხმა ძალიან დიდ მანძილზე მიდისო. ზარის დაკიდებაზედ მრავალი ხალხი დასწრებია.

ჩვენ გვწერენ, რომ ბატ. საბინინს შეუდგენია რუსულად «წმიდა ნინოს» ცხოვრება და მალეც დაიბეჭდებაო.

ჩვენ გვატყობინებენ, რომ ბ. მურიეს სულხან ბარათაშვილის ისტორია შრანგულს ენაზე გადაუთარგმნია და ამ ცოტა ხანში ეს წიგნი კიდევ დაიბეჭდებაო.

მაზეთს «ძაგვაზს» სწერენ მოთიღამ: «აქ მოვიდა ამბავი, რომ მოთში იქნება კათედრა ზურია სამეგრელოის ეპარქიისა. ადგილობრთმა ქალაქის საბჭომ უკვე მიიღო საქართველოს უმაღლეს სასულიერო მთავრობისაგან მოწერილობა, რომ არქიელს მოუშალონ ბინა, თანახმად მათი დაპირებისა.

ამ ბოლოს დროს, თბილისში ორი გამორჩენილი კაცი გარდაიცვალა. მათი ბერყე და მეორე ბაერი.

ბაერი იყო კაი განათლებული პირი. მას დიდი დეაწლი მიუძღვის გეოლოგიურ და არქეოლოგიურ გამოკვლევაში. ბაერი დაესწრო 1870 წ. მცხეთის აკლდამების გახსნის დროს; ამანვე დაათვალიერა საქართველოს სხვა-და-სხვა მხარეებში ძველი ნაშთნი და გაშინჯა აგრეთვე უფლის ციხე.

ამის სახლში ინახებოდა ყველა ის ძველი ნივთები და სამკაულები, რომლებიც კი მოპოვებულ იქმნენ მისგან მთელს საქართველოში. მსევე ბაერი იყო გამგეთ-საქართველოს არქეოლოგიის საზოგადოებისა. მანსვენებული ძალიან ბევრს სტატიებს სწერდა საქართველოს არქეოლოგიის და გეოლოგიის შესახებ. ამან გამოსცა ბერლინში ნემეცურს ენაზე საქართველოს არქეოლოგიის და გეოლოგიის შესახებ ორი დიდი ტომი, რომლებმაც საკმარისი ყურადღება მიიპყრეს.

ბაერის დასაფლავებაზე დაესწრნენ მრავალი წარჩინებულნი პირნი.

შველამ იცის, რომ ჩვენ საქართველოში და განსაკუთრებით იმერეთში გაჭირვებულია საეკკლესიო ნივთების ყიდვა. ჰერეთ ვერ იშოვით ხეირიან საქირო ნივთებს და, თუ იშოვეთ მალაზიებში, ნამეტან ძვირათ ჰყიდიან. ამისათვის გასაკვირი არ არის, რომ ჩვენში ეკკლესიები რივიანათ მორთულნი არ იყვნენ. რომ ყოველმა მსურველმა რივიანი ნივთი ზომიერ ფასათ იყიდოს, ამისათვის დაარსდა შვირილის ეკკლესიასთან საეკკლესიო ნივთების საწყობი, საიდანაც ყოველ მსურველს შეუძლია საეკკლესიო ნივთების მოპოვება.

ტირას, 2 მარტს, სალამოთი, სემინარიის ეკლესიაში იყო მერვე საუბარი. ხალხი ბევრი დაესწრო. კითხულობდნენ: სემინარიის ინსპექტორი ი. ს. სტეპანოვი და ამხვე სემინარიის მასწავლებელი პ. პ. ალბოვი; პირველმა გააგრძელა კითხვა ლოცვებზე, ხოლო მეორე კითხულობდა მოყვასის არა შეურაცხებაზე.

მაღალ ყოვლად უსამღვდელოესმა პაველემ, საქართველოს ექსარხოსმა, განუმატა მსმენელებს მართლ მაღიღებელი ეკლესიის დოღმატი ღვთის სამ პირველებზე.

კითხვების გათავების შემდეგ ხალხს დაურიგდა პატარა წიგნაკები.

უკანასკნელი დღეების ზოგიერთი სასურადადებო

ტელეგრაფები.

11 მარტს.

პეტერბურგი. გუმინ იმპერატორის ვილჰელმის დაბადების დღის გამო, გატჩინოს სასახლეში, გამართული იყო ნადიმი. სანადიმოდ მიიწვიეს ყველა წარმომადგენელი გერმანიის საელჩოსი. ხელმწიფე იმპერატორი და დიდნი მთავარნი პრუსიის მუნდირებით იყვნენ და პრუსიისავე ორდენები ჰქონდათ. ხელმწიფემ მიირთვა იმპერატორის ვილჰელმის სადღეგრძელო და ამ დროს პრუსიის საერო საგალობელი დაუკრეს. ყველა მონადიმენი ფეხზე წამოდგნენ და ისე მოისმინეს საგალობელი. დილით დიდმა მთავრებმა, უცხო ქვეყნების ელჩებმა, დესპანებმა, მინისტრებმა და სხვა დიდებულებმა მიულოცეს დაბადების დღე ვილჰელმისა გერმანიის ელჩსა.

დანიშნულ იქმნენ: სიმბირის ვიცე-გუბერნატორი ტრონიკვი—ტობოლსკის გუბერნატორად და პლოცკის ვიცე-გუბერნატორი კოლენკო—ირკუტსკის გუბერნატორის თანამდებობის ადმასრულებლად.

«Правительственный Вѣстникъ»-ის კორრესპონდენციაში ვარნიდამა სწერია, რომ აქ წირვა გადიხადეს სან-სტეფანოს პირ-შეკრულობის დაწე-

რის დღეობის გამოვო. მიტროპოლიტმა სიმეონმა ჯერ ხელმწიფე იმპერატორი ახსენა და მერე მთავარი ალექსანდრე და ეს გარემოება ფრიად სასიამოვნოდ დარჩათ დამსწრეთაო. საღამოზე რუსეთის ელჩის ამხანაგის სახლის წინ რუსეთის სასიამოვნოდ დასაამებლად დიდი ამბავი იყოვო ელჩთან. მივიდა დეპუტაცია. ერთმა დეპუტატთაგანმა წარმოსთქვა სიტყვა. ორატორმა სთქვა: დიდი მადლობელი და ერთგულნი ვართ სრულიად რუსეთის მეფისაო, ბოლგარები ყველაფრით დავადებულნი არიან რუსეთისაგან, თავის დღეში არ დაივიწყებენ მის სიკეთესა და გვლავაც იმედი აქვთ განმანთავისუფლებელის ქვეყნის ძლიერის მფარველობისაო.

«Новое Время» გვაუწყებს, რომ სახელმწიფო რჩევას წარუდგინეს პროექტი კანონისა, რომლის ძალითაც უნდა დონისძიებანი იქმნას მიღებული. რათა ებრაელთ აღარ შეეძლოთ სამხედრო ბეგარა თავიდან აიცილონ ხოლმეო.

სტამბოლი. პორტა და ბოლგარია გვლავ უკმაყოფილონი შეიქმნენ ერთმანეთისა. ჯარი ისევ რუმელიის სამზღვრებისკენ გადმოჰყავს პორტასაო.

«Journal de St-petersbourg» ი ასე განმარტავს მთავრის ალექსანდრეს ქცევის ოსმალბოლგართ მორიგების გამო. «ხვანთქარმა და სრულიად მისმა კაბინეტმა მიიღო წინადადება ბოლგარიის დესპანის ცანოვისა იმის თაობაზედ, რომ ბოლგარიის მმართველი დანიშნულიყო ადმოსავლეთ რუმელიის გენერალ-გუბერნატორად ბერლინის პირ-შეკრულობის მე-17 მეხლისამებრ. მაშასადამე, რომ ყოველის ხეთის წლის შემდეგ მთავარს ეს უფლება მიჰნიჭებოდა, საჭირო იყო თანხმობა ყველა დიდთა სახელმწიფოთა. მთავარმა ალექსანდრემ ახლა უარ ჰყო თავისივე რწმუნებული, ამიტომ დღეს დიდმა სახელმწიფოებმა არა თუ მარტო ის უნდა განსაჯონ, რა სახით უნდა დანიშნოს რუმელიაში გენერალ-გუბერნატორი, არამედ ისიც,—შეიძლება, თუ არა, შეწყნარებულ იქმნას, რომ მთავარმა ხელი შეუშალოს ერთობილს გადაწყვეტილებას ევროპიისას. უცნაურია სურვილი მთავრის ალექსანდრესი! იმას მოსურვებია დიდთა სახელმწიფოთ ისე მოექცეს, როგორც თავის თანასწორთ და ამას გარდა კიდევაც ითხოვს იმისი ნება შეასრულონ. ეს, რასაკვირველია, ვერაფერი

საბუთის, რომ იგი გაამართლებს დიდთა სახელმწიფოთა წდომას, უკეთუ დანიშნავენ უჯაღოთ და უკონტროლოდ აღმოსავლეთ რემედიის გენერალ გუბერნატორათ. ასეთის თავ დაბლობით რომ მოექცეს ევროპა, მთავარს ეგონება, საკმაოა ავნირდეთ და ევროპაც გამიჩუმდებო. ესე რომ მოხდეს, ვინ იცის მერე რას არ მოითხოვსო. ეს საგანი მით უფრო საყურადღეოა, რომ მთავრის მიერ უარ-ყოფა ევროპის გადაწყვეტილებისა ბერძნ ბუედ იმოქმედებსო. ბერძნებისკ, რასაკვირველია, აღარას არ დაუთმობენ დიპლომატიას, ვიდრე მთავარი ალექსანდრე ასე ახირებით მოექცევა დიდთა სახელმწიფოთა გარდაწყვეტილებასაო.»

პეტერბურგი. «Новое Время» იუწყება რომ 9-ს ივლისს არ გაიხსნება სიბირის უნივერსიტეტი, როგორც დანიშნული იყო. წინანდელი წმა, რომ ვითომც სემინარიელებს მიეცემოდათ ნება სიბირის უნივერსიტეტში შესვლისა, — აღარ გამართლდა და ეხლა განათლების სამინისტროს განხილვაშია, მხოლოდ რეალურს სასწავლებელში აღრზდილთა უნივერსიტეტში მიღების საქმე. უკვე რექტორათ დანიშნულმა პროფესორმა მოსკოვის უნივერსიტეტისამ შავლოვმა უარი სთქვა და მის მაგიერ ეგ თანამდებობა შეუძლევიათ კაზანის უნივერსიტეტის პროფესორ ოსოკინისათვის.

შ უ რ ნ ა ლ - ბ ა ზ ე თ ი ა ბ ა ნ .

საერო განათლების სამინისტროს დღეს მიწერ-მოწერა აქვს გამართული სახელ განთქმული მსწავლულ პასტერთან. სამინისტროს მიუწერია პასტერისათვის, ნებას მისცემს, თუ არა, რომ რუსეთის მსწავლულებმა ისწავლონ იმის ლაბარატორიაში დაცოფილთა მორჩენის წესი მისის სახელმძღვანელობითა. პასტერს გამოუგზავნია სამინისტროსათვის თავისი რეფერატი ამ საგანზედ. ამ რეფერატში ვრცლად არის მოთხრობილი, როგორ დაიწყო პასტერმა თავ-ს გამოკვლევა დაცოფილთა მორჩენისა, ცოფის აკრისა, რამდენი მორჩინა და სხვ. ეს რეფერატი პასტერს წაუკითხავს პარიჟის მეცნიერთა აკადემიაში 1 მარტს და უთხოვნია ამ დაწესებულებისათვის შემწეობა დასაარ-

სებლად დიდის ერთა შორებრივის სამკურნალოსი დაცოფილთა მორჩენისათვის, მსტერი პასუხად სამინისტროსა სწერს, რომ მე დიდის სამოვლებით მივიღებ რუსეთის მსწავლულებს, მაგრამ დ' მადა ვარ დარწმუნებული, რომ რუსეთი დამაც უოველთვის შეუძლიანთ და ცოფილთ თავის დროზედ აქ, პარიჟში მოვიდნენ და თავი მოირჩინონ ამ საშინელის სენისა განაო. კარგი იქნებო, რომ სამინისტრო რაიმე ღონის-ძიებას მოსძებნიდეს და ჩემ-მიერ განზრახულის ერთა შორებრივის სამკურნალოს დაწესებაში დაემხარებოდესო. მაშინ ძალიან ადვილად შეეძლებათ რუსეთის მსწავლულთ ისწავლონ ეს საქმე ამ სამკურნალო შიო. სამინისტრო თურმე იმის ზრუნვაშია, რომ იპოვოს რომელიმე წყარო, რომ პასტერის თხოვნა შეასრულოს და დაემაროს ამ მსწავლულს ერთა-შორებრივის სამკურნალოს დაწესებისათვის.

ზოგიერთა სამზღვარ გარეთის გაზეები ძალიან შეძრწუნებულან, როცა გაუგიათ, რომ პენჯეში რუსეთის წეს წყობილება დამყარდაო. როდესაც ნემეცური გაზეთები ამბობენ, რომ ეს ფაქტი საწინააღმდეგო არ არის ბრიტანიის მმრთველობისაო, ვენის გაზეთებმა ერთი აყალ-მაყალი ასტენესო და ინგლისს ურჩვეწ ურადდება მიაქციოს ამ გაემოებასაო. ჩვენ არაფერს ვიტყოდით ამ გაზეთებზედ, რომ ასეთივე ალიაქოთი არ მოეხდინა ისეთს დარბაისელს გაზეთს, როგორიც არის გაზეთი «Paix»-იო, ამბობს «Journal de St.-Petersbourg»-ი. პარიჟელი გაზეთი ამბობს, რომ სამიშია ამ გარემოებამ დიდთა სახელმწიფოთა-შორის დავი-დარაბა არ ასტენოსო და გვიგვირს, რომ ინგლისის პარლამენტმა ურადდება არ მიაქცია ამ საგანსაო. რუსების უოფნა პენჯეში დოდად სამწებარო და საუბედუროუნდა იუოს ინგლისის მფლობელობისათვის შეა გულ აზიაშიო.

ხსენებული პეტერბურგის გაზეთი ამბობს, რომ ფრანგულ გაზეთს, ეტყობა, ჯერ არ შეეტყვია, რომ პენჯე რუსეთს დაეთმო და მიჯნის გაყვანის შემდეგ რუსეთსა და ავღანისტანის შორის, სრული ნება მიეცა პენჯეში თავისი წესი და წყობილება დაემყარებინო.



სწავლა და მეცნიერება ქრისტიანობრივ სარწმუნოებასა და კეთილ ზნეობაზე.

ს ი ტ მ ვ ა

თქმული 14 იანვარს 1886 წელსა, სიონის სობორისა შინა, არქიმანდრიტის მაკარისაგან.

«მოხსენეთ წინამძღვარი თქვენნი, რომელნი გეტყვადეს თქვენ სიტყვათა მათ ლეთისათა, და ხედვედით რა გამოსვლასა მას ცხოვრებისა მათისასა, ბაძვედით სარწმუნოებასა მათსა». (ებრ. 13, 7).

კეთილ მორწმუნო ქრისტიანებო! ყოველს ერს. რომელსაც კი ისტორიულად უცხოვრია, რომელსაც კი ალუ კლდა რითიმე კვალი თავის ცხოვრებისა. უმკვლად ჭკობის იმისთანა დიდებულნი პირნი, რომელთაც დაუუფლებიათ ეს ერი ისტორიულ გზაზედ და შეუტანიათ მის ცხოვრებაში ის ასაღორძინებელი ძალა, რომელიც შემდეგ გამოდარა ჭკა-კუთხედ ამ ერის მთელი ისტორიული სინოცხლისა. მეტადვე დასაწყისი რომელიმე ერის ისტორიისა ხომ ყოველთვის ეგუთვნის ამითანა კერძო პირთ, ყოველი ერი დავალებულია თავის ისტორიით იმათით.

საქართველოს შეიწინა და მართლ-მადიდებელნი ქრისტიანებო! არც ჩვენა ვართ მოკლებულნი ამაჰისთანა დიდებულთ პირთ, ჩვენც გვაქვს ჩვენი ეროვნების სულის შთამდგომელი და ჩვენი ისტორიის მოძვემნი. ჩვენი წინამძღვარი და ჩვენი ერის სინოცხლის დამაყენებელი, არამც თუ მომაკვდავი ვინმე ხორციელი არის, არამედ იგი არის მოციქული თვით ზეცისა, იგი არის იმ წმიდა მოციქულთ თანასწორი, რომელთ სწავლამ განაახლა მთელი კაცობრიობის ცხოვრება ზეციურის ცხოველს-მყოფელის მადლის შეტანით,—იმ მადლის შეტანით, ურომლისათაც, როგორც გვჩვენებს რადენიმე ათასის წლის ისტორია, კაცობრიობას არც შეეძლო მიეგნო ჭეშმარიტ გზისათვის და არც გაეგლო მაზედ თავის-თავათ.

დიდებული დღეა დღეს, არამც თუ საქართველოს ეკლესიისათვის, არამედ მთელი საქართველოს ერისათვის. დღეს ჩვენ ვდევსასწავლობთ საქართველოს განმანათლებელს, მოციქულთა სწორის ნინას გარდაცვალების დღესა. თხუთმეტმა საუკუნემ მრისხანებით გარდაუარა თავს ივერიას, მაგრამ ის სულიერი ძალა, რაიცა შეიტანა ამ დიარსმა დღემ საქართველოს ერში, დღევანდელამდე არ გამქრალა და არც გაჭრება, მანამ საქართველოს ერი სინოცხლებს დედა-მიწის ზურგზედ. ეს ის ზეციური

ძალა იყო, ცხოველი და საუკუნო, რომელმაც საქართველო განაახლა და განამტკიცა სულიერად და მით შეამდებინა მას იმ შავი ბედისაგან გამოხსნა, რომელიც შეუბრალებელი მექქისა და მედინის ფანატითა წყალობით ერგო საქართველოს მის გრძელ-ჟამიერ წარსულში. როგორც რომ უნებით დამხრალ ქვეყანას გამოაცოცხლებს თბილი გაზაფხული, ეგრეთვე საქართველოში ნინას მიერ შემოტანილმა ქრისტიანობის ბრწყინვალე და ცხოველს-მყოფელმა სხივმა განაახლა საქართველოს ერი, ზეციურის მადლით განაცხოველა და ადადებინა იგი წარმართობის დრმა სიბნელისაგან, რომელმაც გზა არეულნი ჩვენნი წინამარნი, არა მტრობი ჭეშმარიტებისა და სინათლისა, უზრდიდენ თავთა მხოლოდ თვისთა უსულოთა კერზთა და სწირავდენ მათ შვილთა თვისთა.

სახარების სინათლემ, რომელიც შემოიტანა ივერიაში ღვთის შობლის მოციქულმა ნინამ, აუხილა ამ ბრძოთ თავლნი, ზეციური სიყვარულის ძალამ და ზეციური მაცხოვრის მადლამ ჩაუდგა მათ სული განახლებისა და ცხოვრებისა. ზნეობითად მტკიცეთ შეკავშირა იგინი ერთ განუყოფელ საზოგადოების სსუელად, რომელშიაც ყოველი ქართველი ხედავდა თავის-თავს ზეციური მამის შვილად და თავის მუზობელს თავის მოძმედ, თავის მოგვარედ. ეს სულიერად შეკავშირებული ძალა ქრისტეს სწავლისა, რომელიც განავრცელა ჩვენს სამშობლოში დიარსმა ნინამ. ეს ერთი ერთმანეთის სიყვარულის დაფუძნება ქართველთა შორის, ნაცვლად უწინდელი მათ შორის სიმძულავრისა და მტრობისა. შეიქნა საქართველოს იმ მტკიცე სვეტად, რომელსაც ვერა დაავლო-რა თხუთმეტი საუკუნის ქაჩიშხალმა. მტკიცედ იდგა ეს სვეტი და მტკიცედ ჭქონდა მას ფეხვი გამდგარი კეთილ და ნყოფიერ ივერიის ნიადაგში.

დადგება ღვთის განგებას! ის ურცხვი ისტორიული უბედურობა, ის მძაგალ გზითი ავლდება აუარებელი მტრის მხრით, რომელიც მოკლავდა საქართველოს მომავალში, ხომ ერთიად აბუკადდა ერთ მუჭა საქართველოს ერს, რომ მისი ხსენებაც ადარ იქნებოდა დედა-მიწის ზურგზედ, თუ ჩვენნი წინამარნი არ ყოფილიყვნენ წინათვე განმტკიცებულნი ერთი ერთმანეთის ზეციური სიყვარულით, რომელიც მათ, უბედურობის დროს ერთად აკავშირებდა ერთ საღმრთოს დროშას ქვეშ და ერთ მუჭა ხალხს ამლევდა იმისთანა გმირულ ძალას, იმისთანა გასაოცარ სიმძნეს, რომ ერთი ქართველი თუმცა უხვდებოდა ასს მტერს, მაგრამ ეს ერთი ამ ასს არამც თუ უდრიდა, არამედ ღვთის მადლით აჭარბებდა კიდევ, და ესრეთ ქართველი იცავდა თავის სჯულს, თავის ეროვნებას და თავის სამშობლოს. საშინელი წვალება გამოიარა ჩვენმა მიწა-

წყალმა უსჯულო მტრისაგან. ერთი მეორეზედ მიუღილი უბედურება ზღებდა თავის კვალს ახსრებისას, საქართველოს უკეთესთა შვილთა სისხლის ნიაღვრით იწყოდა ჩვენი სამშობლო. შეუბრალებელი უღმრთო მტერი «ძლიერი მძლავრი» ოთხ-კუთხივ ნატამალს აკლებდა, მუსრავდა, იკლებდა და ცეცხლის მსხვერპლად ხდიდა ქალაქებს, სოფლებს, დათესილს ვანებს, ანგრევდა და შეაბიწვებდა წმიდათა ღვთის ტაძართა, არ იბრალებდა არც სუსტთ, არც მოხუცთ და არც უსუსურ ვრძათ, აუმატიურებდა ცოლთა, დედათა და ასულთა ჩვენთასა, რასაც კი მიუახლოვდებოდა მისი დაუნდობელი და ბოროტებით ხავსე მარჯვენა, უკვლას ემჩნეოდა სისხლი, აკლებდა და შეაბიწვებდა. რა იხსნიდა, რაღას შეეძლო დაეხსნა საქართველო, რაღა რჩებოდა მას ამისთანა გულ მოსაკლავ სურათის მხედველს სანუგეშებელი ანუ განმამხსევებელი, თუ არ მხოლოდ ღვთისადმი სასოება, თუ არ ის რწმუნება, რომ იგი «ყოვლად ძლიერი და ყოვლად სახიერი» არ დაუტყვევებს მას თავის ერთგულს საქართველოს ერს, ვიდრე დასასრულამდე სოფლისა?! რაღა შეაძლებინებდა საქართველოს კვლად აღდგომას, თუ რომ ამ გვარ შერყევასთან. საქართველოს გააქრობდა ის «ცხოველს-მყოფელი სული», რომელიც ჩაუღვარა ჩვენს წინაშართ ზეციურმა ჩვენი განმანათლებელის ნინოს სწავლამ. მაგრამ არა, უოკელ-გვარ იმ შემთხვევასთან, რაიცა იყო «ხორციელი», იერქიას არასოდეს არ შერყევა ეს «სადმრთო სული»; უოკელივე ინაცვალა მტერმა, მაგრამ საქართველოს ვერ გაუქრო ეს «სული»; იგი ღვთის ნაბერწყალივით ღვიოდა იერქიის განგმირულ და განრღვეულ გულში, ამტკიცებდა და ამხსნებდა ამ გულს ახალი ღვაწლისათვის, უგანასკნელ სისხლის წვეთამდისინ საბრძოლველად წინააღმდეგ «შვილთა უსჯულოებისათ» და ქართველი ერი ფერფლისა და ნაცრისაგან კვლად აღდგებოდა და აღუვივდებოდა ხოლმე. ამ საქართველოს სულს არ მიუვარა არავითარ უბედურებაში საქართველოს შვილნი იქამდის, რომ მათ დაჭარბებდათ რადისმე ღვთისადმი სასოება და მოძმეთადმი სიუგარული; ხოლო ეს სასოება და სიუგარული მათა ამხსნებდა და ხდიდა უძლეველ გმირებად. ქართველი ერისათვის, ჩვენ მამა-პაპათათვის, ქართველნი, არ არსებობდა რაიმე გარკვევა და უძლეველი დაბრკოლება, მიტომ რომ იგინი დარწმუნებულნი იყვნენ, რომ მათთანა თვით უძლეველი მათი უზენაესი სული ამხსნებელი, რომ მათთანა და მათკენ თვით ყოვლად შემძლებელთა ზეცისა, რომ მათთანა ერთად შეიარაღებული უზენაესი სიმართლე და უკვდავი ტემპარიტება, და ეს სარწმუნოება ისეთი უდიდესი ძალაა ქვეყნისზედ, რომელითა ადრე თუ გვიან ძლევა შემოსილად გამოაჭყავ-

და ჩვენი მამა პაპა უოკელ-გვარი უბედურებისა, განსაცდელისა და ჭირისაგან.

განსაცდელთა წლებში ქართველები არამც თუ არ გარდებოდნენ სასოწარკვეთილებაში, არამედ რამოდენათაც უბედურება უფრო საშინელი და შესაწარი იყო, იმდენად უფრო ემატებოდათ ჩვენ მამა-პაპათ ღვთისადმი სასოება და სიმტკიცე ქრისტეს სჯულისა წინააღმდეგ უსჯულოთა და მძინვარე ბარბაროზთა; არავითარ ტანჯვას არ შეეძლო გადაეყვინებინა იგინი ქრისტეს სარწმუნოების ერთგულობიდან და ეს გასაცრინი სჯულის სიმტკიცე ჩვენთა წინაშართ იყო მიზეზი, რომ მცირე რიცხვანამა ხალხმა არ დაჭარბა თვისი მამული და თვისი ეროვნება. სჯულმა, ქართველნი, ნინოს სჯულმა, ვიძოვრებ, დაიცვა საქართველოს სამშობლო და მათი ეროვნება. შეუბრალებელი ბედის მსხვერპლნი, ზოგიერთნი მხარენი იერქიისა, რომელნიც სჯულის გადადგომისა თანავე, მოსწუდნენ ჩვენ საერთო სამშობლოს და დაჭარბეს თვისი ეროვნება, წარმოადგენენ ეგრეთვე ცხადთ ამის დამტკიცებას, აჭარა. ქობულეთი და სხვანი. ჩვენნი ღვიძლნი მამნი ეროვნების უწინდელი გმირთა ბუდე, ერთ დროს ჩვენთანა ერთად მძურათ მებრძოლნი, ჩვენთანა მართლმადიდებელისა სარწმუნოებისა, ესლას, სამწუხაროდ, რაინც არიან, ეს უკვლამ ნათლად ვიცით.

მაგრამ დიდ არს განება ზეცისა! მან არ მოინდოდა თავის ერთგული იერქიის სიმტკიცე მიუყვანა უგანასკნელ განსაცდელამდისინ; მან მოუყვინა მრავალტანჯულს, მრავალგვემულ საქართველოს მიფარველი ანგელოზი; თავის ერთგულნი იერქნი მან შთაახარა მათს ერთ მოწმუნე დიდებულ რუსეთის ერს, რომლის საფარ ქვეშა ვიძოვრებით უშიშრათ, მუდროთ და უსჯულოთა მტერთაგან მოსვენებით.—თხუთმეტი საუუენის სისხლის ღვრის შემდეგ საქართველოს დაუღვარა დრო მშვიდობისა და შვებისა, მაგრამ უცვალვებელმა ისტორიულმა კანონმა თავისი ხარკი აიღო: ერი, რომელმაც ამოდენა ხნის განმავლობაში არ იცოდა, რა არის მშვიდობა და მოსვენება, ეს ერი ისეთ ნაირათ დაეცა, ისეთ სუფიერ სიუძლეურებში ჩავარდა, რომ ესლანდელნი ქართველნი წარმოადგენენ თავიანთ დიდებულთ მამა პაპათ მხოლოდ აჩრდილს. სამწუხაროდ და გულ-მოსაკლავია ესლანდელი სულიერი მდგომარეობა საქართველოს ერისა, მისი უგრძობობა ეკვლას მისდამი, რითაც ძველი ქრისტეს და მამულის მოყვარე იერქნი იყო ძლიერი და მხნე. მაგრამ, ქართველნი, იმედი გუქონდეს, რომ ეს სულიერი დაცემა ერისა მხოლოდ დროებითია, შემდგომ ამოდენა ხნის მისი დაუფხრამელი და დაუძინებელი, თითქმის ყოველ-დღიური ბრძოლისაგან. გაივლის ეს პერიოდი და



ჩვენი ერთი კვლავ განმარტობდა სულითა ძლიერის რუქების მფარველობის ქვეშ.—მხოლოდ, მძანო, ნუ დავივიწყებთ, რომ სარწმუნოებად სულიერად აღზარდა და ისტორიულად ატოცხდა ძველი ივერი; მისმა ცხოველს მყოფელმა ძალმანვე უნდა დააუენოს ფეხსველ დაუძღვრებულ სულით ახალი საქართველოც. და ეს იმდენად უფრო ადვილია ჩვენთვის, რადგანათაც ახალი საქართველო ყოველად მოწყაღე და თანა მოწმუნე რუსთ ხელმწიფის უაგუსტესს საფარ ქვეშ უფრო მშვიდობიან და უშიშარ პირობებშია, შედარებით ძველ ივერთან, რომელიც მთელ თავის ეროვნების ძალ-ღონეს ანდომებდა თავის თავს და თავის წმიდა სჯულის დაცვას» — რომელსაც თვით არსებისათვის განუწყვეტელი ბრძოლისს დროს, აღარ რჩებოდა ძალა ფართო ძლიერი განვითარებისათვის, ესლა გი სულ სხვაა; ესლა მთელი სულიერი ძალა ჩვენი ერისა, სრულიად მიმართული იქნება მისს შინაგან კეთილ დღეობისკენ და სულიერად ამაღლებისკენ.

დღევანდელი ღიღებული დღე ჩვენი ღირსი დღეისა და ჩვენი განმანათლებელისა ნინასი იუვეს. ქართველნი, ჩვენი განმამხნელებელი, ამ საღმრთო სამშობლო საქმეში, და მომაგონებელიც მისა, რომ ჩვენი ღონისძიება შრომა და სიმხნე სამშობლოს ამაღლებისა და აღფრთხილებისათვის უნდა იუვეს მტკიცედ დამყარებული იმ საღმრთო ისტორიულ საფუძვლის ნიადაგზედ, სჯულისა და სიყვარულსა ქრისტიანებზედ, რომელსაც ივენენ აღზრდილნი ეგრეთვე ჩვენნი დიდებულნი წინაპარნი. მივმართოთ, საქართველოს შვილნი და, შიკმართოთ ჩვენი განმანათლებელის ცხოველ მყოფელ სარწმუნოებასა, მივმართოთ კვლავად «ღმერთსა მამათა ჩვენთასა», მივმართოთ მას, მამკრალნი და მკავალ-ტანჯულნი. და იგი გაგვისკვირებს ჩვენ კვედრნეთ ეგრეთვე მსურვალსა გულითა ღვთის. მშობელსა დედასა; საქართველო მისი საუფლის წულოა, ზენა არსიდგან მას ვხდით წილათა: მან მოგვიკვლინა ჩვენ ღირსი დედა ნინა ჩვენი განმანათლებელი და ჩვენი ერის წინამძღვარი; იგი იყო მფარველი; უბედურობის დროს—ჩვენთა წინაპართა ხელთ ამშვირობელი, იგი არა არიდებდა თავის მოწყაღე თავლას მათ განსაცდელთ წლებში; იგივე მოგვცემს ჩვენცა ძალასა და ვრდომილთა სულიერად კვლავად აღდგომისას! მოვიხსენოთ, მართლ-მადიდებელნი ივერნი, მოვიხსენოთ, ეგრეთვე ყოველად საგონებელი ქართველთაგან დაუვიწყარი ჩვენი წინამძღვარი, ქრისტეს სჯულისა ჩვენი მქადაგებელი წმიდა და მოციქულთა სწორი ნინა, და «გსუდვიდეთ რა გამოსკვლასა მას ცხოვრებისა მისისასა, ვბამვიდეთ სარწმუნოებასა მისსა», ამინ.

მღვდელთა საუბრადგოდ.

ერთი ივერეთის ეპარქიის მღვდლისაგან მივიღეთ ჩვენ შემდეგი წერილი: «მ. რედაქტორო! საკვირველია, რომ ეკლესიების მმართველისა და შესავალ-გასავლის საქმეების შესახებ ყველა ბლალ-ჩინებს ერთი და იგივე წესი არა აქვსთ. ამასთან ხშირად ვნიშნავთ, რომ ყველა ბლალ-ჩინები მთავრობის განკარგულებას ერთნაირად არ ასრულებენ, რ მლის გამო მრავალნი მღვდელნი იჩაგრებიან და წვალობენ. სხვათა შორის უჩვენებთ ორ ამისთანა მაგალითს: ჩვენი ბლალ-ჩინი არასოდეს არ მისცემს კრებულს ნებას, რომ მათ თავიანთ ღვრებით დაბეჭდონ ეკლესიის კრუქები და სტაროსტას დააკეტებონ. შეველა ეკლესიების კრუქებს ის ბეჭდავს და გასალეგებიც მას მიაქვს შინ. ეკლესიების დახედვის დროს თვითონ გახსნის კრუქებს და თუ სოფელში ჩამოვლა არ შეხვდა, ეკლესიის კრუქებს თავის საკუთარ სახლში იბარებს და იქ ხსნის მათ. ჩვენ საბლალ-ჩინოში სამთლის სარგებლის ფულს ზოგს სულ არაფერს არ ახმარს სასულიერო სასწავლებლის გარდასახადზე და თუ ახმარს, კომლის რიცხვისა მებრ მარტო თითო შაურს. ბოხოვთ მ. რედაქტორო, განგვიმარტოთ, კანონიერია ეს მოქმედება, თუ არა?!»

ჩვენც ძლიერ გაკვირვებული ვართ, რომ ზოგიერთი ბლალ-ჩინები წინააღმდეგ თავის ინსტრუქციისა და მთავრობის მოწერილობისა იტყვიან. ეკლესიის ფულის შესაკრებელი კრუქა დაბეჭდილი უნდა იყოს ადგილობრითი ეკლესიის მღვდლის ღვრებით; ხოლო დაკეტილი უნდა იყოს სტაროსტი-აგან და გასალეგებიც მას უნდა ჰქონდეს. კრუქა უნდა იხსნებოდეს ყოველ თვის დამღვეს და არა ნახევარ წლის შემდეგ. ეკლესიის ფულის შესაკრებელი კრუქის ეკლესიიდან გატანა არ შეიძლება. არც სტაროსტების ინსტრუქციაში და არც კონსისტორიათა წესდებულებაში არაფერი არ არის ნათქვამი იმის შესახებ, რომ ბლალ-ჩინებმა უნდა დაბეჭდონ კრუქა და სახლში დაიბარონ და იქ გახსნანო. შოველ ეკლესიის კრებულს შეუძლია თვითონ თავის ღვრებით დაბეჭდოს ეს კრუქები და სტაროსტებმა გასალეგები არავის არ მისცენ.

რაიცა შეეხება სამთლის სარგებლის მოხმარებას სასულიერო სასწავლებლის შესანახავად, აი

როგორი განკარგულება არის გამოცხადებული იმე
რეთის ეპარქიაში სასულიერო მთავრობისაგან ამის
შესახებ: სასწავლებლის გარდასახადი, რამდენიც არის
იყოფა სამ ნაწილად; ორი ნაწილი ითარება სამთ
ლის სარგებლის ფულებისაკან და ერთი ნაწილი
მღვდლის საკუთარ ბისაგან. თუ ვინცობაა, სამთლის
სარგებელი არ არის იმდენი, რომ ორი ნაწილი
გარდასახადისა მთლად დაფაროს, მაშინ ისიც მღვდელს
ხდება და მიიქვსთ სასწავლებლის შესანახავად. ე
განკარგულება ოფიციალურად არის გამოცხადებუ
ლი და არავის არ აქვს ნება იგი დაარღვიოს და ისე
აასრულოს, როგორც მას სურს.

ძალენდარული ცნობები.

- ქვეყნის შექმნიდან არის გასული შვიდი ათას
სამას ოთხმოცდა ოთხმოცეტი წელი.
- ქრისტეს აქეთ არის ათას ოთხმოცდა
ექვსი წელიწადი.
- მკვლეი ინდიქტიონი არის მეოთხმოცეტი.
- ჩუპე წლის ზედნადები არის ერთი.
- მთვარის მოქცევა—სამი
- ათცხრამეტური — ათი.
- მზის მოქცევა — ორი.
- ხელთა — ორი.
- მკოთხე კვირა—მარტის ოც-და-სამს. ამ კვირას
არის ხმა მკოთხე ჯ სანისკრო სხსარება ზირველი.
- მესუთე კვირიაკე—მარტის ოც-და-ათს. ამ კვირას
არის ხმა მესუთე ჯ სანისკრო სხსარება მკოთხე.
- ხარება შესვდება დიდ-მარხვის მესუთე კვირიაკეში
სამშახათს დღეს.
- ბზობა — აზრილის ექვს.
- წმიდა ადგომა — აზრილის ცამეტს.
- ამაღება — შინის ოც-და-ორს.
- სუფის წმიდის მოსულა — ივნისის ზირველს.
- პეტრეპავლობის წინ დაუწყება — ივნისის ოცას.
- პეტრეპავლობის მარხვა ორი კვირა ჯ ექვსი დღეს.

განცხადება.

გამოვიდა ხანაჟდავიდამ ახლად შედგენილი
ქართულს ენასე
**საქართველოს საეკლესიო
ისჯორია**

და ისუიდება შემდეგ წიგნის მაღაზიებში:
თბილისში: ბრიჭუროვის წიგნისმაღაზიაში.
ქუთაისში: ძმ. ზ. ლაძეების წიგნის მაღაზიაში.
ქვირილში: ქვირილის ნაოლის - მცემლის
ეკკლესიის საეკლესიო ნივთების ააწყობში და
„მწამისის“ რედაქციაში.

დ. ხონში: ჯიბათლის წიგნის მაღაზიაში.
ფასი უედოთ—ცხრა შაური.

ზემოხსენებულ ადგილებშივე ისუიდებიან:
ქართული ლოცვანი.

კამოცემა მ. დ. ლამბაშიძისა. შასი უედოთ მქმსი
შაური და კარგი ყდიანი ცხრა შაური.
მღვდლებთათვის სახელმძღვა-ნელო წიგნი სა
იდუმლოების შესრულების დროს საჭირო. შასი
ყდით მქმსი შაური. შედ. მ. დ. ლამბაშიძისაგან.
ახალი პარაბადინი, შედგენილი მისგანვე
ყდიანი მანეთად. ახალი სასულიერო კონსის
ტორიათა წმინდებულთა, ფასი ორი აბაზი.
ქვირილის საეკლესიო სანთლის საწყობში
ისუიდებიან აგრეთვე ყოველ-გვარი საღმრთო
ეკკლესიო წიგნები და ნივთები.

შინაარსი: ძნელი დრო დაგვიდგა და რა ზომები
უნდა ვიხმაროთ ხალხში ზნეობის ასამაღლებლად.—ცოტ-
ცოტა ყველაფერზე.—ახალი ამბები და შენიშვნები.—ტელეგ-
რამები.—ჟურნალ-გაზეთთაგან.—სიტყვა.—მღვდელთა საყუ-
რადლებოდ.—გალენდარული ცნობები.—განცხადება.

Доз. цензурою Кутаись, 20 Марта 1886 г.

რედაქტორი-გამომცემელი მდ. დ. ლამბაშიძე.

Скоропечатня Зедгинидзе и Перадзе въ Кутаисѣ.

მწარაფლებუკდავი ზედგინიძისა ჯ იქრამისა.